

Mela hai chaar din ka | By Gyanendra Sharma |

Mela hai chaar din ka,

Ek roz sabko jaana,
Saamaan sau baras ka,
Pal ka nahin thikaana.

Malmal ke roz saabun,

Chamka raha hai jisko,
Itro phulel se tu,
Mehka raha hai jisko,
Kaaya ye khaak hogi,
Ye baat na bhool jaana,
Saamaan sau baras ka,
Pal ka nahin thikaana.

Man hai Hari ka mandir,

Isko nikhaar le tu,
Kar-kar ke karm acche,
Jeevan sanvaar le tu,
Paapon se man hata le,
Prabhu ko agar hai paana,
Saamaan sau baras ka,
Pal ka nahin thikaana.

Ek roz hogi jarjar,

Kanchan si teri kaaya,
Tinka talak bhi tujhse,
Na jaayega hilaaya,
Reh jaayega yahin par,
Dhan mahal aur khazaana,
Saamaan sau baras ka,
Pal ka nahin thikaana.

Saathi hai do ghadi ke,

Kahta hai jinko apna,
Jag neend se o moorkh,
Jag rain ka hai sapna,
Gaaye ja Gyaan nisdin,
Hari naam ka taraana,
Saamaan sau baras ka,
Pal ka nahin thikaana.

<https://bhaktivandana.com/lyrics/%e0%a4%ae%e0%a5%87%e0%a4%b2%e0%a4%be-%e0%a4%b9%e0%a5%88-%e0%a4%9a%e0%a4%be%e0%a4%b0-%e0%a4%a6%e0%a4%bf%e0%a4%a8-%e0%a4%95%e0%a4%be-by-gyanendra-sharma/>